



聿修堂架蔵記

ヤ 9  
909





門子加  
號 542  
卷

門 700  
號 909  
卷

九折堂山  
氏圖書之記



韋修堂架藏記卷之一

丹波元簡廉夫著

本草

經史證類大全本草三十卷目錄一卷

艾晟序後設藻文小欄格其中記云大德壬寅  
孟春宗文書院刊行乃元版也而據明人重刊政  
和本抄摘序目錄及各條脫漏別為補闕一卷  
及每卷校勘標記丹鉛句乙者出於先友會  
津驪恕公忠之手澤乃恕公之舊藏也已酉秋  
書估將來求售余一開便識之嗚呼恕公之  
沒未久而遺書散落遽至于此洵不禁泣然遂



購為挿架之有矣。此不啻元板可貴重，乃是所謂讀書家之藏書。矧時或披卷對之，則宛然如見故人，未嘗不動感舊之懷，其可寶愛珍惜者，豈止于一耶？第卷末宇文虛中跋缺後兩行，而劉祁跋亦缺自首至半九二十七行，而兩跋相接竟為一編，令讀者眩惑。此以依明本縮字小板而抄寫者，後偶獲嘉靖壬子胡大慶重刊元大德本，及劉祁歸潛志手為改補，竟成完璧矣。恨使恕公不見之。

重修政和經史證類備要本草三十卷序目一卷。此朝鮮國人依明成化戊子刊本，而活字配印者。首有明淳安商輅金麻革、宋曹孝忠及艾晟序，後有金宇文虛中及劉祁跋。又序後有螭首龜趺碑形中題言，其末記泰和甲子下巳酉冬，日南至晦，明軒謹記。蓋晦明軒張存惠之號。泰和甲子，金章宗泰和四年甲子。宋寧宗嘉泰四年也。至巳酉歲，距甲子四十五年。金源之亡，已十六年矣。猶書泰和甲子者，金人不忘故國，故以巳酉較泰和甲子也。詳見錢牧齋有學集本草跋。每卷首記巳酉，新增衍義六字，文字端心紙刻，蠲潔大字大板，證類中之最善者。則不如大全本草之多脫落也。余癸亥仲冬，遭災。



邊架松板造屋於柳北書庫前以居焉未  
盈旬日書賈齎此冊乃不顧囊橐之枵空以  
酬其需瓦礫場中不量護此偉寶亦奇矣  
紹興校定經史證類備急本草十九卷  
此抄本不知出於何人手玉海載紹興二十七年八月  
十五日王繼先上校定大觀證類本草三十二卷  
釋音二卷陳直齋書錄解題作二十二卷蓋  
此全載證類原文而附數語者今此書採摘紹  
興校定之說而畧證類原文特著其圖蓋斯邦  
人所抄互卷數不相合也聞京師某氏藏紹興  
原本記以俟獲之

類編圖經集注衍義本草四十二卷

題曰山醫普明真濟大師賜紫僧慧昌校正卷  
數與焦氏經籍志符矣但不載鏤板年月  
蓋元板也此亦證類附衍義者校之於泰和本  
有少異同焉

新編類要圖注本草四十二卷

宋桃谿儒醫劉信甫校正目錄後記建安余  
彥國刊于勵賢堂每卷首尾有金澤文庫  
之印記乃係于北條越州之遺書其為宋槧本  
無疑矣此亦證類附衍義者校之于慧昌新編  
亦有少異同但此書焦氏志等不著錄世罕識者



余又藏潢紙抄本第二卷末記大明國福建道福清縣江陰里姚寶峰撰第五卷末撰字作抄六卷末作代書二字第十四卷第三十卷末記大明國人王氏月軒大官謹書而筆畫拙劣不類明人書法且曰撰曰代書並可疑焉然是二百年前物滿幅盡殘古色可愛也

丹方鑑源三卷

此道藏中所收家弟湯安道手抄而裝之以見贈道藏四千六百本其式如梵策係于佐伯侯高標儲藏洵四世之寶錄也此書校李東璧本草所援引頗有遺漏蓋非完帙也

補注本草歌括四卷

元胡仕可編何士信增註此以本草圖經藥品三百三十九種編成節要叶韻為歌便於記誦其每藥主療以證類為主無引經報使等之說實非後世藥性諸賦之比此本蓋元貞開雕原版也

東垣食物本草七卷

題曰東垣李杲編輯明吳郡錢允治校訂東郡岱宗谷中虛序此盧廉夫食物本草同加小註及有附錄為異耳及書帕所刪改汪穎亦獲盧藁釐為二卷分為水穀菓菜禽獸魚味八味

救荒本草四卷

舊是二卷今上下前後為四冊



明周定王棟撰乾隆四庫書目云時珍稱為憲王則為楠子有燉所作未免舛謬此舊坊本釐成十四卷品類四百十四種取于徐光啓農政全書所收茲據

秘府所貯校訂改補分以元亨利貞九四卷四百三十五種以復周藩之舊矣嚮見胡文煥校本九二卷百十二種極多刪畧亦不足取

本草原始八卷  
明李中立編著並書畫馬應龍亦云皆手自書而手自圖之此本書法秀潤間廁行草為李氏之原刻無疑矣余得之於姬路侯忠道最可貴重醫醫截目錄

稱八卷坊間巾箱本分為十二卷又有合刻戚南塘紀効新書者鹿城葛萬端調校訂主治修治氣味有依綱目而所增添亦為十二卷並失李氏之舊食物本草二十卷救荒野譜一卷

題曰元東垣李杲編輯明瀕湖李時珍參訂首載陳繼儒序及東壁自序俱係于後人所依托然品物鴻鉅頗有裨於學者攷第二十卷觀音粉條蒿萊野人姚可成記崇禎丙子事又二十一卷返魂烟條云姚可成曰疑是姚所撰而嫁名於二李者陳眉公集亦不見此序

藥品化義十三卷



明賈所學子九如著清李廷是斯叔補訂李序末  
署云庚申立秋日不著年號蓋明遺民也書九十三  
類曰氣血肝心脾肺腎痰火燥風濕寒其說腐套  
無足言者但斯叔所著首卷四論稍有所發揮朱竹  
垞曝書亭集載高士李君塔銘云君諱彥貞字我生  
補撰藥品化義刊而行之不知我生乃是斯叔否  
飲膳精要三卷

天曆三年虞集序云趙國公臣常普蘭奚以所領  
膳醫臣忽思慧所撰飲膳正要以進澹生堂書目  
為常普蘭奚忽思慧二人所撰非也此本亡友吉  
子坦所抄後歸于余之插架子坦學博才敏洵

曠世之逸人尤妙書法子坦有跋云元人飲膳正要余  
質訪幾乎十餘年矣遍索故家屢徵好事無有焉  
以為此邦亡傳本也偶讀望三英氏醫官玄稿內載  
藏此書因托侍醫劉君之子廉夫而物色之望氏  
之書蓋在于江東葛飾營庫置之時三英氏即世  
既久後嗣不愛讀書亦不令人窺竟不可得也有日向  
陶庵者望氏之門人也嘗著本草鈞衡考異聞其  
家有傳本廉夫三詣而始得之各抄一部而藏焉  
且與廉夫約非寫嗜如余二人者不許輒觀云天明二  
年壬寅春二月篁墩吉安子坦題余後觀 秘府所  
貯享保中徒加賀宰相藏本而抄者陶菴本出于望



氏而望氏則抄自秘府並非鏤本也

飲食書六卷

冊面題云食經典要清郢玉山宋公玉長石編穀赤肉食鱗介瓜蒞果食凡五類末附諸物有毒解毒治之方此書頗有異聞乃從秘府本而抄者寔人間罕覩之奇帙也

食品集二卷

明吳江縣醫學候缺訓科吳祿子學輯嘉端丙辰寒村蘇志余德明序凡七類論氣味主療極為簡略此書養安院越元德所藏朝鮮人墨書楷法端正最為精好兒元胤十二歲時抄而得之

神農本草經疏十卷

明繆希雍著西吳朱汝賢君亮校天啓甲子汝賢序此書自續序例至石部三品而止天啓乙丑刊本顧澄元凡例云西吳朱氏集而刻之不及其半然且序次弗倫考數未審正是此本也

本草洞詮二十卷

清沈穆石匏撰東壁綱目卷帙繁重無者不能盡購有者不能悉讀因選擇要藥八百餘種祇增烟草一種可謂簡而精詳矣石匏又著人身洞詮見于凡例中不知刻而傳于今否

本草彙言二十卷



明倪朱謨純字選集天啓甲子倪元璐序圖式  
大抵與原始同此書本于東璧綱目刪繁去冗採摭  
頗博諸家抄方多他書所不載綱目以降本草諸  
書其裨于方術未有出此書右者實醫家不可欠之  
書也余嘗欲撰本草彙言類方以便于檢查有志  
而未果

醫經

重廣補注黃帝內經素問二十四卷

嘉靖庚戌武陵顧從德序曰以宋刻善本翻刻  
卷末云明脩職郎直聖濟殿太醫醫院御醫上海  
顧定芳校攷玉海景祐二年七月庚子命丁度等校  
正素問嘉祐二年八月辛酉置校正醫書局于編  
修院命掌事禹錫等五人從韓琦之言也直齋書  
錄解題云嘉祐中光祿卿林億國子博士高保  
衡承詔校定補注亦頗采元起之說玉海又載政  
和八年四月二十四日刊正素問知林億等校正于嘉  
祐中而孫兆重改誤于南宋政和中則顧氏所翻刻



乃南宋本也視之吳氏醫統正脈所收文字端雅殆不失政和之舊式也

補注釋文黃帝內經素問十二卷靈樞十二卷

頁腦記趙府君敬堂攷明藝文志趙簡王補刊素問遺篇一卷世傳素問王永注本中有缺篇簡王得全本補之此書大字大板紙刻蠲潔與書帕本不同知是簡王所刻然缺遺篇是可惜耳熊宗立本載遺篇靈素各十二卷蓋以此為祖本焉

素問糾畧一卷

金華朱震亨彥修算系立為天地陰陽四時等略九目俾各以類相從去其繁亂名以糾畧乃滑伯

仁素問抄胡德甫素問心得之祖也明藝文志載楊慎素問糾畧一卷未知與此書異同得失果奈何也

讀素問鈔三卷

許昌滑壽伯仁編輯祁門汪機省之續註嘉靖乙酉休寧程文杰刻梓卷末有戴殷跋此殆為佳本矣而又藏萬曆辛亥劉龍田喬木山房刊本凡七卷凡十二門又有彙萃補遺二門乃與程本同卷末附滑氏診家樞要及曹某續補按四庫全書提要目錄云素問鈔補正十二卷明丁璣編初滑壽著素問鈔歲久傳寫多譌璣因其舊



本重為補正復兼採王永原註以明之凡十二門悉  
依壽書舊例又以五運六氣主客圖并診家樞要  
附於後據此本合程丁二書而為一者丁亦嘉靖中  
人

黃帝靈樞集註二十三卷

天明丁未秋佐伯侯高標抄于道藏中所贈致  
題曰集註而無註可疑矣文字與吳勉學子本畧同  
內經素問靈樞合類九卷

明王九達曰達編註書成于崇禎元年又有雲間  
診藉引而不載診籍凡九類蓋出于介賓之後  
而不寓目于類經註素問多採吳氏註靈樞節

于馬氏亦無發明然流傳極稀世鮮知者此本先考  
藍溪公弱冠時所購嘗為人借失後三十年偶有  
人携來求售口乃先考題籤手澤宛然先考喜  
劇亟為架上之有失而復得殆奇矣

素問靈樞集註各九卷

清張志聰隱菴集註康熙九年序于素問十二年序  
于靈樞知其前後相繼而成隱菴覃思于二經而採  
同人之說以為之註有發玄臺景岳輩所未發者研  
內經者亦不可欠之書也此本天命中先考同僚村田  
長菴先生患背疽先考藥而起之先生乃謝以此表  
尤可寶惜矣



王翰林集註黃帝八十一難經五卷

此書宋藝文志晁氏讀書志陳氏書錄解題及滑氏彙攷之類並不著錄惟明葉盛菴竹堂書目載難經集註一卷未知王氏所集否金紀天錫亦撰難經集註五卷見續文獻通考俱卷數不合可疑也而所謂王翰林者亦未詳何人宋仁宗時王惟一為翰林醫官天聖五年奉勅編修銅人腧穴鍼灸圖經王翰林即是惟一已而攷趙氏讀書附志丁德用注成于嘉祐末虞庶注黎泰辰治平間為之序並在天聖之後由此觀之惟一歷仕仁宗英宗兩朝修銅人之後經三十餘年而校正此書也

又呂廣楊玄操丁德用虞庶注薄錄載其目諸家亦多援引者特至楊康侯未有所攷而註中稱楊曰而辨丁氏之說者兩條明皇康侯注矣餘皆與玄操混今不可辨也王九思王鼎象石友諒雖他書無所見其與惟一同為北宋人無疑焉舊刻慶安板雖未見祖本題曰王翰林則非惟一之舊也然審其樣式髣髴弗存宋槧之遺不出明人手者亦無復疑焉要之此書彼士佚已久故薄錄不及載耳錢遵王讀書敏求記曰陸孟鳥先生云難經從未見宋槧本此亦一證

扁鵲八十一難經辨正條例一卷



宋臨川周興樞仲立著滑伯仁著難經本義其  
凡例首條議周氏筆削之擅予嘗謂韓愈之於  
魯論郭宗之於周易皆有所釐訂雖不知竹間  
漆書果如其言也否視之於拘泥舊文之差誤左  
傳右會以作說者非無所闡發也白雲後人野  
間玄珠推乃此書於齋頭以見貸益辨正釋疑  
之條例也因手鈔一本以供他日研揣嗚呼仲立者  
其八十一難之韓郭耶

玄珠密語十七卷

王太僕遇玄珠子述其密授之語也素問序云別  
撰玄珠以陳其道是也而林億等云詳王氏玄珠

蓋江權齋云  
道藏中所收  
諸書甚多  
卷數蓋為  
欲以獻仙家  
故故割別本  
妄為之耳卷  
數不合無  
容疑焉

世無傳者今有玄珠十卷昭明隱旨二卷蓋後人  
附托之文也雖非王氏之書亦於素問第十九卷至  
二十二卷頗有發明即謂此書欵但第卷數不合  
可疑焉此本亦佐伯侯抄自道藏中所贈宜珍視  
之錢遵王云其書浩瀚委細莫得其津涯大槩  
直由素問六氣之隱奧耳此言信然

脈經十卷

此北宋斬本也余三十年前獲之于舊書肆中先友  
篋塚吉慶士為之跋云劉子康夫耽好文學博綜  
群書而於其所業醫方尤勵志研躬聞有一百籍  
世之所罕傳一秘本目之所未覩者多方訪搜弗獲



不置殆忘而寢與食迨乎其獲之也校籀論不遺餘力顧每苦囊橐之不繼而乃父御設百君仕途雖顯乎清素為性無他所蓄廉夫時不得乞歲俸以不供其費則家賦昔宿弗悔矣蓋與予之沈濡于石經壁文煤帖蟲簡者異趣同好也天明甲辰歲十月過市肆見敗書委積內有古本脉經一部稍覺異于恒有者購歸而予適至亟謂曰獲一舊書意是宋板俟子定之予閱之筆畫端雅紙刻精良為宋槧無疑卷中如匡慎取徵宋諸帝朝諱字悉係闕筆與予家所藏宋板大字晉書政同唯字有大小之異耳末卷高保衡林億及王

安石富弼等名<sub>臣</sub>署銜宛然知為熙寧三年官刊小字頒布者矣鑒已定反覆玩賞之餘獲夾紙一幅不識何人書疏辟穀丹方甚詳小行草如彭友態度清逸在于董玄宰陳仲醇伯仲之間仙笈靈秘片籤勿忽墮更出望外洵奇遭哉將另裝池而密藏之屬予題記予曰此二者世間第一鴻寶非特為君家青箱至珍然似有待君而見焉不爾何以致之於塵汗零落之餘哉廉夫厥永保之是歲是月乙酉篁墩逸樵吉安資坦題

右筆修堂架藏記本草殿曾經三類借鈔句逗過周先生著此書至此而



没可謂遺憾矣天保乙未三月十一日夜

業廣



